



Universitätsbibliothek Paderborn

**Citatio Cvm Inhibitione Inserta, Sereniss. Atqve
Inuictißimi Principis & domini nostri, domini Caroli quinti,
diuina prouidentia Romanorum Imperatoris semper
Augusti, contra Reuerendissimu[m] dominum ...**

Karl <V., Heiliges Römisches Reich, Kaiser>

[Köln], [1545]

VD16 ZV 4419

Carolvs Qvintvs Divina Favente Clementia Romanorum Imperator
Augustus ...

urn:nbn:de:hbz:466:1-35029



CAROLVS QVIN-

TVS DIVINA FAVENTE CLE

mentia Romanorum Imperator Augustus, ac Germaniæ,
Hispaniarum, utriusq; Siciliæ, Hierusalem, Hungariæ,
Dalmatiæ, Croatiae &c. Rex, archidux Austriae, dux
Burgundiæ, Brabantia, Geldria, &c. Comes Habsburgi, Flandriæ, Ty-
rolis, &c. Venerabili Hermanno Archiepiscopo Colonien. sacri Romani
Imperij per Italiam Archicancellario Principi Electori, & consanguineo
nostro charissimo, Gratiam nostram Cæsaream & omne bonum. Venerabilis
Princeps Elector, Consanguine & charissime. QVVM Honorabiles
docti deuoti nobis dilecti. N. Prælati, Canonici, & Capitulatam Maioris
quàm Collegiatarum Ecclesiarum, necnon Abbates, Abbatissæ, Conuen-
tus, alijq; Religiosi, utriusq; sexus Monasteriorum & piorum locorum,
Rectores quoq; Parochialium Ecclesiarum, ac totus primarius & secunda-
rius, ac uniuersalis Clerus. Rector denique & Vniuersitas generalis Studi-
Ciuitatis nostræ Imperialis Coloniae Agrippinae, à nonnullis innouationi-
bus in causa Religionis contra & aduersus publica nostra edicta Imperiali-
um dietarum, Recessus & decreta per tuam Dilectionē, absq; scitu & uolun-
tate Capituli tui Maioris Ecclesiæ, & non attentis eorū diligentibus admo-
nitionibus, & deditis deprecationibus, & ipsis reclamantibus, priuata auto-
ritate tua, prout exponitur, factis, præsumptis & attentatis, ad nostrā Maie-
statem prouocauerint & appellauerint, prout latius in ipsius appellationis in-
strumento nobis ex parte ipsorum Appellantium per Syndicum eorum exhi-
bito, continetur. Et animo huiusmodi suam Appellationem Iuris ordine pro-
sequendi, nobis humiliter supplicauerint, ut huiusmodi Appellationem admit-
tere, & infra scriptas Citationem & Inhibitionē ad tuam Dilectionē, eiusq;
Complices & adherentes decernere, & aliās de oportuno Iuris remedio pro-
uidere dignaremur. NOS igitur attendentes Ius nemini denegandum esse,
Idcirco autoritate nostra Imperiali, per hoc præsens Citationis Mandatū,
Dilectionem tuam ex aduerso principalem, eiusq; in hac causa fautores, Com-
plices & adherētes, tenore præsentium citamus, quatenus trigesima die, post
exequutionem præsentium (quorum triginta dierum decem pro primo, decem
pro secundo, & reliquos decem dies pro tertio & ultimo termino uobis assi-
gnamus peremptorie, uel si dies ipsa trigesima Iuridica non fuerit, ad diem Iu-
ridicam proximam extunc immediate sequentem) compareatis, in Iudicio legi-
timè coram nobis, seu per nos ad id deputando, seu deputandis, ubicunq; nos pro
tempore fore contigerit, per uos uel procuratorem seu procuratores uestros ido-
neos, ad causam & causas huiusmodi sufficienter instructos, cum omnibus cau-
sam

3
sam & causas huiusmodi tangentibus, ac eam seu eas quomodolibet contingen-
tibus, præfatis Appellatibus, illorumq; litiſconſortibus principalibus ſupra
dictis, ſeu eorum legitimo procuratori aut Syndico, ſuper omnibus & ſingulis
noſtrum officium concernentibus, in dicta Appellatione latius deductis &
expreſſis, de Iuſtitia reſponſuri, ac in cauſa & cauſis huiusmodi ad omnes &
ſingulos actus Iudiciales gradatim & ſucceſſiue, etiã uſque ad diffinitiuã ſen-
tentia, debitis & conſuetis terminis & dilationibus præcedentibus, ut moris
eſt, proceſſuri, & procedi uſuri, aliasq; dicturi, facturi, allegaturi audituri
et recepturi. Id quod Iuſtitia ſuadebit, & ordo dictauerit rationis. Certificã-
tes nihilominus Dilectionẽ tuam, ipſiusq; Complices & adherentes ſic Cita-
tos, quod ſiue in cuiusmodi termino, ut præmiſſum eſt, comparere curaueritis, ſi-
ue nõ. Nihilominus per nos ſeu deputadum uel deputados Cõmiſſarios noſtros,
ad partis comparentis, cauſamq; & cauſas huiusmodi proſequi curantis inſtan-
tia, ad præmiſſa oĩa & ſingula, & alias prout iuſtũ fuerit, procedetur iuſtitia
mediãte, Dilectionis tuæ, aliorũq; citatorũ cõtumacia ſeu abſentia nõ obſtãte.
IN SVPER quum lite & cauſa huiusmodi ſic, ut præmittitur, coram no-
bis & noſtro Imperiali palatio indeciſis pendentibus, nihil ſit per quemcunq;
attentandum ſeu innouandum. Ea de re autoritate noſtra Imperiali prædi-
cta, Dilectioni tuæ, cuiusq; in hac cauſa fautoribus, cõplicitibus, & adherentibus,
omnibusq; & ſingulis Comitibus, Baronibus, Nobilibus, Præſectis,
Præſidibus, Iudicibus, Schultetis, Burgimagiſtris, Conſulibus & Scabi-
nis Ciuitatis & Oppidorum & præſertim Andernaci, Bonnæ, Lyntij &
Kempnæ, Villarum in ſuper, terrarum, & quorumuis aliorum locorum intra
ambitum tuæ Diocœſis conſtitutorum, Communitatibus ſingularibusq; per-
ſonis tibi & eidem Eccleſiæ Colonien. quomodolibet ſubiectis, & alijs quibus-
cunq; noſtris & ſacri Romani Imperij ſubditis, cuiuscunq; præeminẽtiæ, di-
gnitatis, ſtatus, gradus, ordinis, aut conditionis fuerint, qui uigore præſentiũ
moniti aut requeſiti fuerint, ſub poena grauiffimæ Indignationis noſtræ, & du-
centarum Marcharum auri puri, pro dimidia Imperiali Fiſco noſtro, & pro
reliqua dimidia prædictis Appellatibus irremiſſibiliter applicanda, præſen-
tium tenore diſtrictè inhibemus, ne in Appellationis & litiſpendentiæ hu-
iusmodi, aut ipſorum Appellantium præiudicium, & noſtræ Imperialis au-
toritatis & Iuriſdictionis contemptum aut aliàs quomodolibet, quouis quæſi-
to colore uel ingenio, directè uel indirectè quidquam attentetis, innouetis, uel
præſumatis, ſeu Dilectio tua uel illorum aliquis quidquam per ſe uel alium, ſeu
alios attentet, innouet, uel præſumat. Quin potius omnia & quæcunq; forſan
ſucceſſu temporis nouata, quantum in uobis & ueſtrum quolibet eſtẽ medio tol-
latis, & in ſtatum priſtinum reducatis, & reduci permittatis. Quicquid enim
ſecus factum fuerit. Nos id totum ceu attentatum & ipſo Iure nullum, reuoca-

re, &

re, & in statum pristinum reducere curabimus, & nihilominus ad multarum
& poenarū prædictarum declarationem, & alia graviora realiter & cum ef-
fectu procedemus & procedi faciemus. Hæc est seria nostra uoluntas. Hæ-
rum testimonio literarum, manu nostra subscriptarum, & sigilli no-
stri impressione munitarum. Datum in Ciuitate nostra
Imperiali Vuormacia, die uigesima septima mensis Iu-
nij, Anno domini Millesimo quingentesimo qua-
dragesimo quinto, Imperij nostri uigesi-
mo quinto, & Regnorum nostro-
rum trigesimo.

Carolus.

V Naues

Ad mandatum Cesaræ
& Catholicæ Maiestas-
tis proprium.

Obernburger St.

Collationatū et Diligenter aũsultatū est p̄us exemplar
citationis et inhibitionis mandati Cesaræ, ad p̄us uero
sigillato et signato originali p̄r me J̄on, Coll. Vire,
m̄ndesey Notariū publicū cum quo concordat. Quod
attestor hac manu mea propria scriptura